

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-45-17336/23
Sarajevo, 21.08.2023. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14 i 59/22), člana 26. Pravilnika o javnim nabavkama roba, vršenju usluga i ustupanju radova, br. 02/12-45-712/23 od 12.01.2023. godine, u predmetu javne nabavke "Izrada geotehničkog elaborata i glavnog projekta sanacije klizišta na lokalitetu Bužimska br. 53, Općina Novi Grad Sarajevo" u Otvorenom postupku javne nabavke, objavljenom u Službenom glasniku BiH, br. 52/23 i Portalu javnih nabavki, br. 422-1-2-186-3-179/23 od 24.07.2023. godine, na Preporuku Komisije za javne nabavke roba i usluga, Općinski načelnik, donosi

O D L U K U

1. Prihvata se ponuda ponuđača WINER PROJEKT DOO SARAJEVO, u iznosu od 18.720,00 KM sa PDV – om, u predmetu javne nabavke "Izrada geotehničkog elaborata i glavnog projekta sanacije klizišta na lokalitetu Bužimska br. 53, Općina Novi Grad Sarajevo" u Otvorenom postupku javne nabavke, objavljenom u Službenom glasniku BiH, br. 52/23 i Portalu javnih nabavki, br. 422-1-2-186-3-179/23 od 24.07.2023. godine, shodno članu 64. stav 1. tačka b. Zakona o javnim nabavkama.

2. Zadužuje se Služba za zajedničke poslove da obavjesti učesnike u Otvorenom postupku javne nabavke o donošenju Odluke o dodjele ugovora.

3. Zadužuje se izabrani ponuđač da dostavi ovjerene kopije uvjerenja iz člana 45. – 47. Zakona o javnim nabavkama i ovjerenu kopiju Izvještaja o računima poslovnog subjekta Centralne banke BiH u roku od 5 dana po prijemu ove Odluke.

3. Protiv ove Odluke dozvoljena je žalba u roku od 10 dana od dana prijema iste.

O b r a z l o ž e n j e

Postupak javne nabavke – "Izrada geotehničkog elaborata i glavnog projekta sanacije klizišta na lokalitetu Bužimska br. 53, Općina Novi Grad Sarajevo", pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama, u Otvorenom postupku javne nabavke, objavljenom u Službenom glasniku BiH, br. 52/23 i Portalu javnih nabavki, br. 422-1-2-186-3-179/23 od 24.07.2023. godine.

Izvještajem i preporukom Komisije za javne nabavke, utvrđeno je sljedeće:

- Da je Zapisnikom sa otvaranja ponuda od 17.08.2023. godine, konstatovano da su zaprimljene tri ponude:

1. PPG DOO SARAJEVO, sa ponudom od 18.673,00 KM sa PDV – om,
2. GEO KONZALTING DOO SARAJEVO, sa ponudom od 19.177,80 KM sa PDV – om,
3. WINER PROJEKT DOO SARAJEVO, sa ponudom od 18.720,00 KM sa PDV – om.

- Da je Komisija detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da ponude GEO KONZALTING DOO SARAJEVO i WINER PROJEKT DOO SARAJEVO ispunjavaju uslove specificirane u tenderskoj dokumentaciji.

- Da ponuda ponuđača PPG DOO SARAJEVO ne ispunjava uslove specificirane u tenderskoj dokumentaciji iz tačke 4.2.1. pod j) Dokaz o stručnoj spremi, položenim stručnim ispitima i radnom iskustvu za inženjere iz tačke i)", obzirom da se u sastavu ponude navedenog ponuđača, na stranici 105., nalazi potvrda za Mušić Amara, Bachelor inženjer geologije kojom je evidentirano radno iskustvo u trajanju od 4 godine, 2 mjeseca i 29 dana.

Kako je tačkom 4.2.1. pod i) tenderske dokumentacije zahtijevano radno iskustvo za inženjere u trajanju od najmanje 5 godina, to se ponuda navedenog ponuđača ne može smatrati prihvatljivom, te se ista odbacuje, shodno članu 68. Zakona o javnim nabavkama.

- Da je Komisija za javne nabavke roba i usluga, vršeći računsku kontrolu prihvatljivih ponuda utvrdila da ponuda ponuđača GEO KONZALTING DOO SARAJEVO nije računski ispravna, te je izvršila ispravku navedene računске greške na koju je navedeni ponuđač dao saglasnost, dana 18.08.2023. godine, tako da ponuda navedenog ponuđača nakon ispravke računске greške iznosi 16.340,00 KM bez PDV-a, odnosno 19.117,80 KM sa PDV-om.

Obzirom da se radi o Otvorenom postupku javne nabavke, objavljenom u Službenom glasniku BiH, br. 52/23 i Portalu javne nabavke, broj obavještenja 422-1-2-186-3-179/23 od 24.07.2023. godine, da su dostavljene tri ponude od kojih dvije ispunjavaju uslove specificirane tenderskom dokumentacijom, te da Odlukom o pokretanju postupka javne nabavke nije predviđeno provođenje e – aukcije, shodno Pravilniku o uslovima i načinu korištenja e-aukcije („Službeni glasnik BiH“, br. 66/16), primjenom kriterija najniža cijena, na Preporuku Komisije za javne nabavke roba i usluga, shodno članu 64. stav 1. tačka b. Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila: Komisija za javne nabavke roba i usluga

DOSTAVITI:

1. Služba za zajedničke poslove
2. U spis

Općinski načelnik
mr Semir Efendić

